

تقدیر و وقایع

4485

نومرو ۴۴۸۵

بازار علی محمدی در خیابان کورنی

نسخه سی یوز پاره در

جمعه دن ماعد امر کون نشر اولنور

۸ خیران ۱۳۳۸

پنجشنبه

۱۱ شوال ۱۳۴۰

تقدیر و وقایع

شورای دولت مالیه و نافعہ دائرہ سنک ۶۵ نومرولی

مضبطہ سی

مجلس مخصوص وکلاجه متخذ قراره تبعاً ناظر لردن استحصال مأذونیتله بلا مناقصه اجراسی ایجاب ایدن بیک غروشی متجاوز مبیعات اجراسی ایچون تبدل نظار وقوعی حانده اولنه جق معامله نك استیداتی حاوی دیوان محاسبات ریاستدن متقدم تذکره نك لفیله تسطیر بیوریلان تذکره سامیه به جواباً مالیه نظارتندن بالتقدیم شورای دولته حواله بیوریلان ۲۵ تموز ۱۳۳۷ تاریخلی و ۲۵۹۶۵/۱۱۳ نومرولی تذکره ملفوفیله مالیه و نافعہ دائرہ سنده قرائت اولندی .

دیوان محاسبات ریاستنك ملفوف سالف الذکر تذکره سنده اولبابده متخذ مجلس مخصوص وکلا قراری موجبجه اینه امیریه ووقیه انشآت و تعمیراتی حقیقده کی نظامنامه نك اونجی ماده سی ذیلنك صورت تعدیلنه کوره بلا مناقصه اجراسنه نظارتلرجه لزوم قطعی تحقق ایدن بالعموم انشآت و تعمیرات و مبیعات حقیقده نظارک باب عالیدن استیدان مجبوریتی اصولنك دوام مرعیتنه محل قالیوب بیک غروشی متجاوز مبیعاتنك لدی الايجاب بلا مناقصه اجراسی ایچون نظار مسئولیه صلاحیت اعطا ایدلمش اولسنه بناءً دوائرجه مناقصه سز اوله رق اجراسی ایجاب ایدن بیک غروشدن زیاده مبیعات نظاردن استحصال مأذونیتله اجرا ایدلمکده ایسه ده بعض دوائرجه و خصوصیه ملحق بودجه لری اولان دوائر و مؤسساتجه اوکی مبیعاتنك اجراسی ایچون منسوب و مربوط بولندقلری نظارتلردن استحصال ایدلکری مأذونیتلری تبدل نظار وقوعنده ناظر جدیده تجدید و تأیید ایتدر مکسزین موجود مأذونیتلره استناداً اجرای معاملات اولتمقده بولندی ویزه ایچون کوندر دکری اعطا امر لری مناسبیتله کلاشیلوب دیوان محاسباتجه ده مبیعات مذکوریه دائر اولان اعطا امر لری ویزه ایدلمکله برابر سالف الذکر مجلس وکلا قرارنده کی « نظار مسئوله » تعمیرینه کوره او صورتله مبیعه اجراسنه اعطای امر ایدن هر نانکی بر ناظرک تبدلی مناسبیتله اولکی مأذونیتنك درامی ایجاب ایدلیکی ندیده اوبابده ناظر لاحقندن یکی بر امر و اذن استحصالی لازم

کله جکی ده ملاحظه قلمقده اولدیغندن بحث ایله کیفیت استیدان قلمشدر .

مالیه نظارتنك تذکره سنده دخی بیک غروشی متجاوز مبیعاتنك بلا مناقصه اجراسی حقیقده نظار طرفندن ویریه جک مأذونیت بردائرده حالاً و آتیباً وقوع بولان بالعموم مبیعاته شامل اوله جق صورتده عمومی و غیر محدود اولیوب مأذونیت مبحوثه نك معین بر خصوصی ایله مقید و محدود اوله جنی طبعی اولسنه بناءً مأذونیت واقعه به استناداً دائرہ سنجه تشبث ایدیلن امور و خدمات تماماً ایفا و اكمال ایدلمش اولدیغنی تقدیرده امر واقع حالنی اکتساب ایدن بو معامله به تبدل نظارک هیچ بر تأییری اولمیه جنی و بلا مناقصه ایفاسنه تشبث ایدیلن ایش قسمماً ایفا ایدلیکی بر زمانده اشبو تبدل واقع اولدیغنی صورتده دخی تجدید مأذونیته لزوم کوسترلمکسزین ایشک اكمالنه دوام اولمنی موافق مصلحت اوله جنی وشو قدرکه ایفاسی تصور ایدیلن هر هانکی بر تشبثک بلا مناقصه اجراسنه مأذونیت استحصال ایدلمدن مقام نظارتده تبدل وقوع بولمش و یاخود بو بابده مأذونیت استحصال ایدلمکله برابر تبدل وقوعی آئنده ایشه هنوز باشلانلمش ایسه بو بابده ناظر لاحق طرفندن مأذونیت اصداری ویا اولکی مأذونیتنك تجدید و تأییدی لازم کله جکی مطالعه قلمدیغنی درمیان اولنمشدر .

ایجابی تأمل اولندی دوائرجه ایفاسنه لزوم قطعی کوریلن بیک غروشی متجاوز انشآت و تعمیرات و مبیعاتنك بلا مناقصه اجراسی ایچون نظار مسئولیه مجلس مخصوص وکلاجه متخذ قرار موجبجه صلاحیت اعطا ایدلمش اولسنه نظراً دوائرجه اجراسنه تشبث ایدیلن مبیعات مقام نظارتنك تصویبیه اقرارن ایدرک مأذونیت لازمه سی استحصال اولدیغنی تقدیرده تشبث واقع شکلاً تمام اولمش حد اولتمق لازم کلیر بناءً علیه بلا مناقصه یاپیلان مبیعاتده هر هانکی بر ناظر طرفندن مأذونیت ویریلن امور و خدمات کرک اتمام ایدلمش کرک در دست اتمام اولسون و کرک ابتدار ایدلمش بولنسون تبدل نظار وقوعنده ناظر لاحق طرفندن تکرار مأذونیت اعطاسنه ویا اولکی مأذونیتنك تجدیدنه لزوم و ایجاب کوریه مه مشدر ایفاسی تصور ایدیلن هر هانکی بر تشبثک بلا مناقصه اجراسنه مأذونیت استحصال ایدلمدن مقام نظارتده تبدل وقوعه کلدیکی تقدیرده بو قبیل امور و خدمات ایچون اصولاً مأذونیت استحصالی طبعی بولنمشدر اکا کوره تعمیماً دوائر تبلیغات ایفاسی تذکر و ایشک

بر کرده هیئت عمومی چه تدقیق تنسیب قلندی اولبا بد امر و فرمان حضرت من له الامر کدر .

۱۰ ربیع الآخر ۱۳۴۰ ۱۰ کانون اول ۱۳۳۷

هیئت عمومی دن ذیلاً یازیلان مضبطه

مالیه و نافعہ دائره سنک اشبو مضبطه سی هیئت عمومی ده قرائت اولندی .

ایجابی لدی التأمل دائره مشاوره الیهاجه متخذ قرار موافق حکم قانون کورلمش اولمغله اکا کورایهای مقتضاسنک مالیه نظارتنه حواله سی وتممیماً دوائر سائرہ مرکزیه بیلینی تذکر قلندی اولبا بد امر و فرمان حضرت من له الامر کدر .

۲۰ جمادی الاولی ۱۳۴۰ ۱۹ کانون ثانی ۱۳۳۸

مالیه نظارت جلیله سنه جواباً دوائر سائرہ مرکزیه تعمیماً یازیلان تذکره سامیه

مجلس مخصوص وکلایه متخذ قراره تبعاً ناظر لردن استحصال مأذونیته بلا مناقصه اجراسی ایجاب ایدن بیک غروش متجاوز مبیعات ایچون تبدل نظار وقوعی حالده نه یولده معامله اولنه جنی دیوان محاسبات ریاست بیه سندن استفسار ایدلسی اوزرینه بالخبره مقام عالیتردن وارد اولان ۲۵ تموز ۱۳۳۷ تاریخی و ۲۹۶۶۰ نومرولی تذکره [مالیه نظارت جلیله سندن آلتان تذکره] شورای دولته لدی الحواله دوائرجه ایفاسنه لزوم قطعی کوریلن بیک غروش متجاوز انشاءات و تعمیرات و مبیعاتک بلا مناقصه اجراسی ایچون نظار مسؤلهیه مجلس مذکورجه متخذ قرار موجبتجه صلاحیت اعطا ایدلش اولسنه نظراً دوائرجه اجراسنه تشبث ایدیلن مبیعات مقام نظارتک تصویبه اقران ایدرک مأذونیت لازمه سی استحصال اولندی تقدیرده تشبث واقع شکلاً تمام اولش عداولتق لازم کله چکندن بلا مناقصه یازیلان مبیعاته هر هانکی بر ناظر طرفندن مأذونیت ویریلن امور و خدمات کرک اتمام ایدلش ویا در دست اتمام بولنش اولسون وکرک ابتدار ایدلمش بولسون تبدل نظار وقوعنده ناظر لاحق طرفندن تکرار مأذونیت اعطاسنه ویا اولکی مأذونیتک تجدیدینه لزوم وایجاب کوریله مدیکی وایفاسی تصور ایدیلن هر هانکی بر تشبثک بلا مناقصه اجراسنه مأذونیت استحصال ایدلمه دن مقام نظارتده تبدل وقوعه کلدیکی تقدیرده بوقیل امور و خدمات ایچون اصولاً مأذونیت استحصالی طبیعی بولندی مالیه و نافعہ دائره سیله هیئت عمومی دن بامضبطه افاده و تممیماً دوائر تالیفات اجرا قلمغله اقتضاسنک اکا کوره ایفا بیورلسی . . .

۲۵ جمادی الاولی ۱۳۴۰ ۲۴ کانون ثانی ۱۳۳۸

معارف عمومییه

صحیه مدیریت عمومی سندن :

کمرک طریقله ویا قولی پوستال اوله رق آوروپان بعض اجزا تاجر لرینه کلان اجزا و مستحضرات طیه ایله ایودلی باموقلرک دستور الادویه شروطنه مخالف اوله رق درونلرنده کی اجزادن بعضیلری نقصان بولندی بالتخلیل تبیین ایتدیکندن قانوناً موجب مسؤولیت اولان بواللندن توقی ایدلمک اوزره بعدما آوروپان جلب اولنه حق هر نوع اجزا و مستحضرات طیه نیک صحت عمومی نیک محافظه سیچون دستور الادویه یعنی فرانسز قوده کس شروطنه موافق اولسی لزومی بالجه اجزا تاجر لرینه اجزا جیلرک معلومی اولمق اوزره تبلیغ اولنور .

تابعیت مدیریتندن :

استانبول ولایتک بایزید بلدییه سی داخلنده قطار جیلر ده حطب قیوسنده ۱۲۱ نومرولی دکانده مقیم اولوب ایران تبعه سندن اولدیغنی بیان ایدن ابوطالب بن عبدالهی نام شخص علی الاصول وقوع بولان طب واستدعاسی اوزرینه ۱۷ مایس ۳۳۸ تاریخنده تابعیت عثمانیه قید وقبول ایدلمشدر .

*

استانبول ولایتک بک اوغلی لواسی داخلنده نشانطاشنده مشروطیت محله سنده شیشلی بیوکدره جاده سنده ۲۶۰ نومرولو خانه ده مقیمه اولوب یونان تابعیتندن اولدیغنی بیان ایدن فاطمه خاتم بنت خلیل حسنی اقدی نام قادی نیک محمود پاشاده سروری محله سنده شرف اقدی زقاغنده ۱۷ مکرر نومرولی خانه اوزرینه ۲۱۱ تولدیه مقید تبعه عثمانیه دن سلانیکلی عثمان اقدی بن عبدی رائف ایله ۶ شعبان ۳۳۸ و ۲۵ نیسان ۳۳۶ تاریخنده عقد ازدواج ایدلیکی تبیین ایتمی اوزرینه مرقومه تاریخ عقددن اعتباراً تابعیت عثمانیه دن عدیله سجل نفوسه قید وتسجیل ایدلمشدر .

بیان

۷ حزران ۱۳۳۸

Table with 4 columns: آجیلدی, قیاندی, اک آشغی, اک بوقاری. Rows include: اسهام و تحویلات, تحویلات, استقراض داخلی, دیون موحده, روم ایلی تیمور بولری, درسمادت ریختم شرکتی, حصه سندانی, ممالک عثمانیه توتولری اداره انحصاریه سی, آناطولی تیمور بولی (۶۰%).

اعلانبات

حزبیه نظارتی مبیعات قومیسونندن :

۳۶۳۷

۱ - اعطای بکرمی بدی بیک چکی خطبک بهر چکیسی ایکی یوز اون غرو شده قیات حد اعتداله کورلدیکی جهته احاله قطعیه سی اوتجی جمع ایرتسی کوننه تأخیر اولمشدر . اوچ بیک کیلو مازونک بهر کیلوسکی سکنز غروش اوتوز یاره ایله احاله اولیه سی اجرا قلمشدر . یوزده اوچ تزیلیله اعطایه طالب اولنلرک؛ ۲ - بش بیک کیلو بوزنیک بهر کیلوسکی بکرمی بر غرو شده ، اوچ یوز فرق چوال برلی مصر دقیقنک بهر چوالی التوز سکنان غرو شده ، یتش بیک کیلو پرنجک بهر کیلوسکی اون درت غرو شده طالیه عهده سنده در . ۳ - التی یوز سکنان بیک کیلو اوت ، التمش بش بیک کیلو منغال کوری ، مطبعه عسکریه ایچون درت قلم مالزیه قرطاسیه موقع مناقصه ده در . تزیل یایلتله طالب اولنلرک مادحاک اوتجی جمع ایرتسی کونی یوزده اون تأمینات آقچلرله مآ ساعت ایکده قومیسوننه مراجعتلری .

دارالایتام مدیریت عمومی سندن :

۳۶۳۸

Table with 2 columns: Item, Value. Items include: پرنج, متازنه, آمرشقان یاغی, فصزیله, صابون, غاز, زیتون بیغی معهد حسابیه آلتنه قدر.

بالاده محر ارزاق ایله صابون وغاز بازارلق صورتیه مبیعه اولنه قدر اعطایه طالب اولنلرک ۱۲ حزران ۳۳۸ بازار ایرتسی کونی ساعت بردن درده قدر دیوان یوننده دارالایتام مدیریت عمومی سنده متشکل مبیعات قومیسوننه مراجعتلری .

استانبول دفتر در لئندن :

۳۶۴۱

کیرائت دکان

دیوان یوننده قیو آغاسی سان آغا محله سنک شرفیه جاده سنده ۲۵ نومرولو دکان شهری بیک غروش بدل و برسنه مدتله طالیه عهده سنده اولوب ۵ حزران ۳۳۸ تاریخندن اون بش کون مدتله آصقیه آلتدیندن ضمیمه ایچارنه طالب اولنلر استانبول ولاجی مجلس اداره سنه ویاخود ولایت املاک امیریه مدیریتنه مراجعت ایدولنر .

صالیق انقاض

۳۶۴۰

شیله قضا سنک قیافوز اسکله سنده قره به دوشن رومور کور انقاض بلمزایده فروخت ایدیله چکندن اشتراسنه طالب اولنلر محلی مال مدیر لکننه ویاخود ولایت املاک امیریه مدیریتنه مراجعت ایتسولنر .

صالیق قار فچه

۳۶۳۹

وقع مزایده دن بولنان مختلف نومرو وچسنده اونوز بش صندوق قار فچه نیک مدت مزایده لری ۹ حزران ۳۳۸ تاریخنه قدر تمدید ایدلدیکنندن اشتراسنه طالب اولنلر بیوک چکنجه مال مدیر لکننه مراجعت ایتسولنر .

*

۳۶۳۶

ککبوزده قضا سنک سنه حالیه حبوبات اعشاری ۲۶ حزران ۳۳۸ تاریخنه

قدر مزایده ۷ تموز ۳۳۸ تاریخنه قدر احاله وشیله قضا سنک سنه حالیه حبوبات اعشاری ۳۰ حزران ۳۳۸ تاریخنه قدر مزایده ۲۱ تموز ۳۳۸ تاریخنه قدر احاله مدتله مزایده قونیمشدر . طالب لک محاررینه یاخود دفتر دارلغه مراجعتلری .

بک اوغلی املاک امیریه دائره سندن :

۳۶۳۰

بک اوغلی متصرفلق دائره سی داخلنده موجود قهوه جیلاک ایچاری ایچون طالیه طرفندن ویریلن شهری اون آلتی لیرا یتش بش غروش امثالنه نظر آدون کورلدیکنندن مزایده مدتی ۱ حزران ۳۳۸ تاریخندن اعتباراً اون بش کون مدتله تمدید ایدلمشدر . فضلہ سنه طالب اولنلرک شراطتی اکلادق اوزره بک اوغلی املاک امیریه دائره سنه مراجعتلری .

*

۲۶۳۱

غلطه رسومات یولجی صالونک اوست قاتنه چیقلمه جق مر دیون آلتنده بولنان صایحیلفک ایچاری ایچون طالیه طرفندن ویریلن شهری اونبر لیرا ایچار حد لایقده کوربله مدیکی جهته مزایده مدتی ۱ حزران ۳۳۸ تاریخندن اعتباراً اون بش کون مدتله تمدید ایدلمشدر . فضلہ سنه طالب اولنلرک بک اوغلی املاک امیریه دائره سنه مراجعتلری .

استانبول دفتر خاقانی اداره سندن :

۳۶۴۲

محمد حمدی بک ایله عقیقه خاتمک عایشه شادیه خاتمکن استقراض ایبلکلری مبالغ معلومه مقابلنده وکالت د ربه ایله وفاء فراغ اولنان ایاصوفیه کبریه باب حایون جاده سنده ۲۶،۲۶،۴ عتیق و ۲۵ و ۲۶ جدید نومرولو و شهری مع ذکا کین ۱۱۲۰۰ غروش ایچاره متحمل ۱۰ اوطله ۳ صفه ۲ کیلار ۱ مطبخ ۱ قوپو بر طاشلق آرائق حالنده بغچه خارچنده بر اوطله آلتنده مغازه آبروجه باراقه حالنده بر اوطله سی بولنان ایکی باب دکانی مشتمل اشخاب قوتناغک بش حصه اعتباریه ۲ حصه سنک اجرا قتلان مزایده سنده ۳۰۰۰ لیراده طالیه عهده سنده تقرراً یتش ایسه ده بدل مذکور حد کفایه ده کورلدیکی جهته تاریخ اعلاندن اعتباراً برآی معدید ایدلش اولمغه مدت مذکور طرفنده ضم ایله طالب اولنلرک ۵۳۶ لیرا پی آقچه سی مستصحباً استانبول دفتر خاقانی اداره سنه مراجعت ایللری اعلان اولنور .

*

۳۲۲۷

زهر اخام ایله مصطفی اقدنیک استقراض ایبلکلری ۳۰۰ لیرا مقابلنده رشدی بک عهده سنه وکالت دوریه ایله وفاء مفروغ بولنان عورت بازاری کورکچی باشی احمد شمس الدین محله سنده کوچک لنگه جاده سنده یوز اون سکنز عتیق ۱۱۸ جدید نومرولو و شهری ۱۵۰۰ غروش ایچاره متحمل یوز اون ایکی ذراع عرصه اوزرینه مدتی ۴ اوطله ۱ صفه ۱ طاشلق ۱ مطبخ قیو ۱ آرابه لقی ۱ باغچه ۲ خلا براب خانه ک تنویه دین ایدلامسندن دولانی ۱۸ مایس ۳۳۸ تاریخنده مزایده به وضع ایدلش و اونوز کون سرورنده احاله اولیه سی واون بش کون سکره احاله قطعیه سنک اجراسی مقرر بولمغه طالب اولنلرک قیبت تخمته سی اولان ۹۷۵ لیرانک یوزده اونق تسبیته تأمینات آقچه سی مستصحباً دفتر خاقانی امانتده استانبول دفتر خاقانی اداره سنه مراجعت ایللری .

بک اوغلی دفتر خاقانی اداره سندن :

۳۶۴۳

قیمت خاتمک - قراض ایبلدیکی ۱۲۰۰ لیرا مقابلنده بورغاک عهده سنه وکالت دوریه ایله وفاء مفروغ بولنان بک اوغلی فری کوی محله سنده باروتخانه جدید روم کلیسای زرقاغنده ۱۰۳ عتیق ۵۹ جدید نومرولو و شهری ۱۵۰۰ غروش ایچاره متحمل ۱۱۷ ذراع عرصه اوزرینه مدتی ۳ اوطله ۲ صفه ۱ کیلار ۱ مطبخ و درومده اودونلق و کورلک ۱ باغچه ۲ خلا و مشتملات سائره بی حاوی مع باغچه اشخاب خانه نیک تنویه دین ایدلامسندن طولانی ۷ حزران ۳۳۸ تاریخنده مزایده به وضع ایدلش و اونوز کون سرورنده احاله اولیه واون بش کون سکره احاله قطعیه سنک اجراسی مقرر بولمغه طالب اولنلرک

اکرامیه قرانان ۵۰ عدد تحریلات

تحويلات نوسروسی	اکرامیه سی بهری فرائق	تحويلات نوسروسی	اکرامیه سی بهری فرائق	تحويلات نوسروسی	اکرامیه سی بهری فرائق	تحويلات نوسروسی	اکرامیه سی بهری فرائق	تحويلات نوسروسی	اکرامیه سی بهری فرائق
۱۱۱۱۷۶۰	۲۰۰۰۰۰	۱۶۸۷۲۲۰	۱۲۵۰	۱۹۸۴۷۰	۱۰۰۰	۷۲۲۰۹۴	۱۰۰۰	۱۲۵۸۱۲۵	۱۰۰۰
۱۰۰۲۵۴۸	۴۰۰۰	۱۷۶۵۵۴۶	»	۲۰۰۶۰۴	»	۷۲۷۳۷۱	»	۱۳۱۱۷۹۸	»
۱۰۴۵۱۷۶	»	۱۸۱۳۱۷۸	»	۲۰۱۴۹۶	»	۷۷۵۶۱۸	»	۱۳۳۷۰۸۶	»
۲۳۶۷۴۰	۱۲۵۰	۱۹۱۷۰۹۵	»	۲۳۱۵۸۹	»	۸۷۴۹۰۶	»	۱۳۳۸۲۱۲	»
۳۷۵۰۵۸	»	۱۹۲۵۱۴۷	»	۲۳۳۵۲۱	»	۱۰۶۳۲۸۳	»	۱۴۰۴۷۱۱	»
۶۵۷۵۳۳	»	۶۳۹۵۰	۱۰۰۰	۴۰۵۹۴۳	»	۱۰۶۴۶۵۶	»	۱۴۷۶۸۰۶	»
۹۸۳۲۱۵	»	۶۹۷۷۵	»	۴۵۹۴۳۰	»	۱۲۰۰۷۷۴	»	۱۶۰۵۳۳۴	»
۹۸۶۵۱۳	»	۹۲۲۸۵	»	۵۲۸۱۰۷	»	۱۲۴۵۳۴۱	»	۱۶۲۲۱۹۱	»
۱۵۸۲۸۴۶	»	۱۳۳۳۰۹	»	۶۵۵۱۱۳	»	۱۲۵۲۵۵۵	»	۱۶۷۹۹۷۸	»
۱۶۵۴۶۸۱	»	۱۹۰۲۹۹	»	۶۷۳۸۹۵	»	۱۲۵۵۴۳۸	»	۱۸۳۰۱۳۰	»

چارشوسنده و کدکپاشاده قندیلی سواقغنده و بایزیده کائن قره بت عجم علی و عمرک دکانلرخی موضوع کلیدلری قیرق صورتیله فعل سرقته بحاسرت ایلدکرندن طولای مطنون علیه اولوب هیئت اتهمیه جه جنایتله اتهام اولنه رق حقنده اخذ و گرفت امری و برلش اولان فراری زنجیری علی الیوم اثبات وجود ایتهمش اولدیغندن اصول محاکمات جزائییه قانوننک اوچوز یتمش برنجی ماده سی موجبجه محکمه به کلسی ایچون اشبوتاریخندن اعتباراً جانب ریاستدن مجدداً اون کون مهل و برلسکله اشبومت طرفنده کلیدیکی حالده کندوسنه قانونه اطاعت ایتهمش نظریله باقیله رق ها که سنک غیاباً بالرؤیه حقوق مدنیه دن اسقاط و اموالی جز اولنه جفی و بوئشاده برکونا دعوی اقامه سنه حق اوله میه جفی و علیهنده دعوایه قیام ایدبله جکی کبی بولندینی محلی بیلنلرک خبر و برمکه و بالجله ضابطه عدلیه مامورلرینک کندوسنی در دست ایتهمک مجبور اولدقلرخی مبین اشبو قرارنامه اصول محاکمات جزائییه قانوننک اوچوز یتمش ایکنجی ماده سنندن استنباط اولنان احکامه توفیقاً نتیجه تصفیه به دکن کیمسه به برسنه و برله سی اخطار ایدلش و شمیدیکی اخطارنامه تنظیم و معامله مجزیه حقنده تبلیغات مقتضیه اجرا و سائر معاملات ایفا اولننی ایچون نسخ کافیه سی مدعی عمومیلکه تودیع قلندینی اعلان اولنور .

درسمادت استیناف محکمه سنندن :
۳۵۴۳
سنه سی کانون اولنک یکریمی سکرنجی چهارشده کونی کوچک چاملیجه ده حسن اونباشینک کیفیت قتلندن طولای مطنون علیه اولوب هیئت اتهمیه جه جنایتله اتهام اولنه رق حقنده اخذ و گرفت امری و برلش اولان کوچک چاملیجه ده شکر مصلاغنده صلاح الدین بکک کوشکنده مقیم سیویل طیاره جی مکرم افندینک الیوم اثبات وجود ایتهمش اولدیغندن اصول محاکمات جزائییه قانوننک اوچوز یتمش برنجی ماده سی موجبجه محکمه به کلسی ایچون اشبوتاریخندن اعتباراً جانب ریاستدن مجدداً اون کون مهل و برلسکله اشبو مدت طرفنده کلیدیکی حالده کندوسنه قانونه اطاعت ایتهمش نظریله باقیله رق ها که سنک غیاباً بالرؤیه حقوق مدنیه دن اسقاط و اموالی جز اولنه جفی و بوئشاده برکونا دعوی اقامه سنه حق اوله میه جفی و علیهنده دعوایه قیام ایدبله جکی کبی بولندینی محلی بیلنلرک خبر و برمکه و بالجله ضابطه عدلیه مامورلرینک کندوسنی در دست ایتهمک مجبور اولدقلرخی مبین اشبو قرارنامه اصول محاکمات جزائییه قانوننک اوچوز یتمش ایکنجی ماده سنندن استنباط اولنان احکامه توفیقاً تنظیم و معامله مجزیه حقنده تبلیغات مقتضیه اجرا و سائر معاملات ایفا اولننی ایچون نسخ کافیه سی مدعی عمومیلکه تودیع قلندینی اعلان اولنور .

۳۵۳۴
سنه سی شهر کانون اولی طرفنده لیل و مشترکاً سلیمانیه ده تیریاکی

دستور

ترتیب ثانی

برنجی ، ایکنجی ، اوچنجی ، دردنجی ، بشنجی ، بدنجی جلد دستورلرک بهر جلدی : ۱۷۵
غیر مجلد
غروش
۵۰
یرلی مشینیه مجلد
غروش
۱۷۵
بدنجی جلدک آوروپا مشینیه مجلدی ۱۹۵ غروشدر . دستورلرک محل فروختی مطبعه عامره در .

تقوم وقایع

تقوم وقایع مدبریتی : تلفونه نومردوسی - استانبول - ۲۴۷۸
مطبعه عامره مدبریتی : تلفونه نومردوسی - استانبول - ۸۵۱
امور تحریریه اداره - امور تحریریه ایچون دائرة جلیله صدارتده تقویم وقایع مدبریتنه و امور اداره ایچون مطبعه عامره مدبریتنه مراجعت اولنور .
شرائط اشترا - استانبول و ولایات ایچون پوسته اجرتیله برابر سنه لک آتونه بدلی ۷۵۰ غروشدر . ممالک اجنبیه ایچون پوسته اجرتی خارج اولدینی حالده سنه لک آتونه بدلی ۶۵۰ غروشدر . آتونه معامله سی و بدلنک استیفاسی مطبعه عامره جه اجرا اولنور .
کونی کچمش نسخهلرک فیاتی بش غروشدر .
اعوانات - افرادک منافعه متعلق اوله رق قانوناً و نظاماً یا خود علاقه دارانک طلبلرینه بناء دوائر رسمیه و محاکم طرفندن درج ایتدیریله جک اعلاناتک هر سطرندن اون غروش آلتیر . اعلانات خصوصیه قبول اولنماز .
مطبعه عامره